



COMUNU DE CABUDERRA

Tzitadi Metropolitana de Casteddu

Proposta 231
de su 17.02.2023

DETERMINAZIONI DE SU RESPONSÀBILI Setori N.6 - Servìtzius Sotzialis Ufìtziu Atividades Sotzialis

OGETU: *EMERGÈNTZIA COVID-19. CARITAS PARROCHIALI APROVATZIONI ELENCUS N. 76 E N. 77.*

REGISTRU GENERALI N. 150 DE SU **17/02/2023**

SU RESPONSÀBILI DE SU SETORI

S' annu 2023, in su mesi de friàrgiu, in sa dii 17, in s' ufìtziu suu,

Su Responsàbili de su Setori Sa Dotora Antonella Marongiu

Cunsideraus is atus chi sighint:

- Su Statutu Comunali, aprovau cun Deliberatzioni de su Consillu Comunali n. 50 de su 19/09/2000;
 - Su Regulamentu asuba de s' ordinamentu de is ufìtzius e de is servìtzius, aprovau cun Deliberatzioni de Giunta Comunali n. 213 de su 28/12/2012, mudau cun deliberatzioni G.C. 146 de su 16/11/2016, G.C. 52 de su 29/03/2019 e G.C. 175 de su 01/12/2021;
 - Su Regulamentu Comunali de contabilidadi, aprovau cun Deliberatzioni de su Consillu Comunali n. 2 de su 26/01/2017;
 - Su Regulamentu Comunali po sa disciplina de is Cumpudus Internus, aprovau cun Deliberatzioni de su Consillu Comunali n. 87 de su 14/12/2015, mudau cun deliberatzioni G.C. 68 de su 30/11/2017;
 - Su Còdixi de cumportamentu de is dipendentis de su Comune de Cabuderra aprovau cun Deliberatzioni de Giunta Comunali n. 205 de su 29/12/2021;
 - Su Programa de Tres Annus po sa preventzioni de sa Corrutzioni e sa Trasparèntzia 2022/2024, aprovau cun Deliberatzioni de Giunta Comunali n. 62 de su 28/04/2022.
-

Bius:

- su D.Lgs 18/08/2000, n. 267;
- su Decretu Sindacali n.77 de su 29/12/2022 chi pertocat s' afidamentu de s' incàrrigu de Posizioni Organizativa de su Setori n. 6 a sa Dotora Marongiu Antonella– Cat. D);
- sa Deliberatzioni de su Consillu Comunali n. 66 de su 05/08/2022 chi at aprovau su D.U.P. 2022/2024;
- sa Deliberatzioni de su Consillu Comunali n. 67 de su 05/08/2022 chi at aprovau su Bilàntziu de Previsioni 2022/2024;
- su c. 775 de s' art. 1 de sa L. 29 de idas 2022, n. 197 (Lei de bilàntziu 2023) chi previdit ca sa scadèntzia po s'aprovatzioni de su bilàntziu de previsioni po su 2023 s' est torrau a stabiliri a su 30 de abrili 2023;
- su D.Lgs n. 165/2001;
- su D.Lgs n. 118/2011;

Donau atu chi:

- s' istrutòria po s' adotzioni de custu atu etotu dd' at cumprida Sa Dotora Ilaria Loddo;
- cunforma a s'art. 6 bis de sa lei 7 de austu 1990, n. 241 e no ddoi funt situatzionis de cunflitu de interessu;
- custu provedimentu s' at a averiguai cunforma a su Regulamentu Comunali po sa disciplina de is cumpudus internus, aprovau cun sa Deliberatzioni de su Consillu Comunali n. 87 de su 14/12/2015;

Postu chi:

- su Consillu de is Ministrus at aprovau su decretu lei 14 de gennàrgiu 2021, n. 2 chi at perlongau su stadu de emergèntzia a su 30/04/2021 e previdit àteras dispositzionis de apretu contra a su Covid-19;

Bius is decretus-lei: n.6 de su 23 de friàrgiu 2020, tramudau in sa lei n. 13 de su 5 de martzu 2020, n.9 de su 2 de martzu 2020, n.11 de s' 8 de martzu 2020, n.14 de su 9 de martzu 2020, n.18 de su 17 de martzu 2020, n. 18, n.19 de su 25 de martzu 2020, n.23 de s' 8 de abrili 2020, n.34 de su 19 de maju 2020, n.104 de su 14 de austu 2020, n.137 de su 28 de su mesi de ladàmìni 2020 e n.149 de su 9 de donniasantu 2020;

Bius is decretus de su Presidenti de su Consillu de is Ministrus de su 24 de ladàmìni 2020 e de su 3 de donniasantu 2020 cun “Àteras dispositzionis atuativas de su decretu lei n.19 de su 25 de martzu 2020 mudau cun sa lei n.35 de su 22 de maju 2020 e pertocanti is Mesuras de apretu po parai fronti a s' emergèntzia epidemiològica de COVID 19”;

Biu su Decretu lei n. 52 de su 22 de abrili 2021 chi at prorogau su tèrmini de su stadu de emergèntzia epidemiològica de Covid19 **a su 31 de argiolas 2021;**

Cunsiderau su decretu lei n. 105 de su 23 de argiolas 2021, chi at prorogau su tèrmini de su stadu de emergèntzia epidemiològica de Covid19 **a su 31 de idas 2021;**

Cunsiderau su decretu lei n. 221 de su 24 de idas 2021, chi at prorogau su tèrmini de su stadu de emergèntzia epidemiològica de Covid19 **a su 31 de martzu 2022;**

Bida s' Ordinàntzia de su Capu de su Dipartimentu de sa protetzioni tzivili n. 658 de su 29/03/2020 cun “Àterus interventus de protetzioni tzivili po s' emergèntzia chi pertocat s' arriscu sanitàriu”;

Cunsiderau:

-s' Ordinàntzia de su Capu de su Dipartimentu de sa Protetzioni Tzivili de sa Presidèntzia de su Consillu de is Ministrus n. 658 de su 29/03/2020 "Àterus interventus apretosus de protetzioni tzivili cunforma a s' emergèntzia de arriscu sanitàriu acapiau a sa nàscida de patologias chi ndi benint de sa trasmissioni de agentis viralis" iat autorizau is Comunas, in dèroga a su decretu legislativu 18 de abrili 2016, n. 50, a donai prodotus de primu netzessidadi e gèneris alimentaris e chi po sa distributzioni si podit ponni in aplicu s' art. 2 . 5 cun sa collaboratzioni de is entis de su de tres setoris;

-su decretu lei n.154 de su 23 de donniasantu 2020 in su c. 1 de s' art. 2 Mesuras urgentis de solidariedadi alimentari, previdit s'erogatzioni de unu contributu a is comunus cunforma a is sumas stabilidas in s' Allegau 1 de s' Ordinàntzia de su Capu de sa Protetzioni tzivili n.658 de su 29.03.2020;

-su puntu 2 de s' art.2 de su pròpiu decretu lei n.154 de su 23 de donniasantu 2020 at stabilii ca po ponni in aplicu custu articulu is comunus depint s'ighiri sa disciplina cunforma a s' ordinàntzia n.658 de su 2020;

Bida sa lei n. 176 de su 18/12/2020, art. 1, c. 2;

Cunsiderau su Decretu Lei n. 73 de su 25/05/2021 "Mesuras urgentis po mori de s' emergèntzia de Covid-19, a favori de is impresas, su traballu, is giòvunus, sa saludi e is servìtzios territorialis";

Pigau atu de sa Lei n. 106 de su 23/07/2021 de "Cunversioni in lei, cun modificatzionis, de su decretu-lei 25 de maju 2021, n. 73, cun mesuras de apretu pertocantis s' emergèntzia de Covid-19, po is impresas, su traballu, is giòvunus, sa saludi e is servìtzios territorialis" innui si narat ca is modificatzionis de s' art. 53 de su Decretu lei n. 73 de su 25/05/2021 funt:

<<1-bis. Po allebiai is protzedimentus de gastu pertocantis is resursas de su cali a custu articulu, is comunus podint ponni in aplicu is protzeduras de su cali a s' ordinàntzia de su Capu de su Dipartimentu de sa protetzioni tzivili n. 658 de su 29 de martzu 2020, ca funt cumpatibilis>>.

Pigau atu de is Cunventzionis firmadas cun is Caritas Parrochialis de su territòriu de Cabuderra;

Bida sa Determinatzioni de su Responsàbili de su Setori n. 805 de su 01/10/2021 "Mesuras urgentis de solidariedadi alimentari e de agiudu a is famillias po su pagamentu de is cànonis de locatzioni e de is utèntzias de domu cunforma a su decretu lei n. 73 de su 25/05/2021 e de su decretu de su 24/06/2021. Atzertamentu e aprovatzioni atus."

Pigau atu chi po s' annu 2021 ant aprovau is elencus de su n. 1 a su n. 42;

Pigau atu chi po s' annu 2022 ant aprovau is elencus de su n. 43 a su n.73;

Bida sa Determinatzioni n. 22 de su 17/01/2023 chi at aprovau s'elencu n. 74 e sa Determinatzioni n. 83 de su 31/01/2023 chi at aprovau s'elencu n. 75;

Bidas is demandas presentadas de parti de is personis me in is elencus;

Pigau atu de is elencus n. 76 e n.77;

Donau atu chi custu provedimentu no ocasionat mudamentus diretus o indiretus a sa situatzioni econòmicu – finantziària o a su patrimoniu de s' enti;

Donau atu chi cunforma a s'art. 9, c. 1, lit. a), de su Decretu Lei 01/07/2009 n. 78, mudau cun sa Lei 03/08/2009 n. 102, s' est fatu s' atzertamentu de su gastu cunforma a s' art. 91 de su TUEL e a is arrègulas de finàntzia pùblica;

DETÈRMINAT

- de pigai atu de sa premissa de custu atu etotu;
 - de aprovai is elencus n. 76 e n. 77 po sa distributzioni de prodotus de primu netzessidadi po mèdiu de sa Caritas parrochiali;
 - de donai atu chi po chistionis de riservadesa is nòminis de is beneficiàrius tenint sceti su nùmeru de protocollu;
-